

## Tshuaj Ethambutol (noj)

ETHAMBUTOL (e-THAM-byoo-tole) yog siv los tivthaiv thiab kho kev mob ntsws tuberculosis lossis TB). Yam tshuaj no nws yuav siv uake nrog rau lwm yam tshuaj uas siv los kho TB thiab. Yam tshuaj no tejzaum kuj muab siv los kho lwm yam mob thiab.

Qhia rau koj tus kws kho mob, kws ntsuas mob, thiab kws muab tshuaj yog hais tias koj:

- phiv tshuaj;
- cev xeebtub lossis npaj kom cev xeebtub;
- pub niam mis;
- noj lwm yam tshuaj xwsli tshuaj noj txwv kom txhob muaj menuam thiab tshuaj noj kom ntshav nyias.
- noj tej tshuaj uas yuav tom khw los xwsli tshuaj tau khaub thuas thiab tshuaj ntaus mob (Tylenol, Advil, Motrin, tshuaj thascaws)
- muaj lwm yam kev mob nkeeg xwsli mob raum lossis hlab qhov muag tu, mob kotaw vvm, siv cawv lossis mob siab.

### Noj Yam Tshuaj No:

- Rawsli koj tus kws khomob qhia rau koj. TSIS YEEM TSUM yam tshuaj no txog txij thaum uas lawv kom koj tsum mam li tsum, tabtxawm hais tias koj twb zoo zujzus.
- Noj nrog zaub mov lossis nrog tshuaj kem plab yog hais tias koj noj tas plab pheej npau. Yuav tau soj xyuas kom cov tshuaj ntawd txhob muaj aluminum nyob rau hauv. Nug koj tus kws muaj tshuaj noj lossis tus nurse yog hais tias koj tsis paub meej.

### Ceebtoom:

- Yuav tsum noj tsis tu ncua li. Yog hais tias koj tsis nco qab noj lawm, noj thaum uas koj rov nco qab txog. Hla lub tshuaj uas koj tsis nco qab noj ntawd yog hais tias twb yuav txog lub sijhawm uas koj yuav rov qab noj tshuaj ntxiv lawm. TSIS TXHOB noj ob zaug tshuaj noj ua ke.
- Tsis txhob muab koj cov tshuaj rau lwm tus noj.
- Khaws yam tshuaj no thiab lwm yam tshuaj zoo zoo kom menuam txhob ncav cuag.
- Mus ntsib koj tus kws khomob.
- Khaws koj tej tshuaj no rau tej qho chaw uas laj laj, kom nrug deb ntawm qhov sov sov lossis no no.
- Yog koj xav hais tias koj noj cov tshuaj no ntau tshaj hhw lawm, nug koj tus kws kho mob.
- Txwv koj txojkev haus cawv rau lub sijhawm uas koj tseem noj cov tshuaj noj kom yav tom ntej no koj thiaj li tsis mob siab. Cawv yuav ua rau yam tshuaj no tsis ua haujlwm zoo.
- Yog hais tias koj qhov muag plooj plooj, mob qhovmuag, tsis pom liab thiab ntsuab, lossis tsis pom kev, mus xyuas koj tus kws khomob tadsim ntawd.
- Tsis txhob tsav tsheb lossis ua tej haujlwm tsis zoo yog hais tias yam tshuaj no ua rau koj tsaus muag lossis ua rau koj qhovmuag plooj plooj, tsis pom kev zoo, lossis tsis pom liab thiab ntsuab.

**Kev uas yuav tsis haum thaum noj yam  
tshuaj no:**

- Xeevsiad, ntuav lossis tsis qab los noj mov
- Mob plab
- Mob taubhau
- Tsaus muag

**Hu rau koj tus kws khomob yog hais tias  
koj tsis haum cov tshuaj noj thiab mob  
zoo li no. Cov mob zoo li no YEEJ TSIS  
TSHUA MUAJ LI:**

- Ua npaws lossis ua daus no
- Mob thiab o ntawm tej yastxha, tshwjxeeb tshaj yog ntawm tus ntiv taw xoo, cajdab taws lossis ntawm hauv caug
- Mob kub kub ntawm tej yastxha
- Loog, tsis muaj zog, rhiab lossis mob ncuv ncuv ntawm tes lossi kotaw
- Ibce tawm pob, khaus heev heev, lossis sawv pob
- Yog tsis pom kev, qhovmuag plooj plooj, mob qhovmuag, lossis tsis pom liab thiab ntsuab
- Hawb hawb pob lossis ua pa nyuaj nyuaj.

Rov qab luam tawm, yam uas tau kev tsocai, los ntawm xyoo 1989-2003 ntawm United States Pharmacopeial Convention, Inc. Luam tawm thaum lub 3/2003 los ntawm University Hospitals thiab Clinics Authority, Madison, WI. Soj ntsuam los ntawm Department of Pharmacy. UWH #4789.